

四庫全書

經部

欽定四庫全書

經部

爾雅翼卷二十一至

詳校官國子監祭酒臣覺羅吉善

洗馬臣王坦修覆勘

總校官庶吉士臣倉聖脈

校對官中書臣范 鏊

謄錄監生臣程晉錫

欽定四庫全書

爾雅翼卷二十一

宋 羅願 撰

釋獸四

犛

獬

豪

獺

鯪

兔

貂

蟹

彙

貓

狸

狐

貉

窮奇

檮杌

饕餮

犛

犛西南夷長髦牛也似牛而四節腹下及肘皆有赤毛長尺餘而尾尤佳其大如斗天子之車左纛以此尾為之繫之左駢馬輓上蓋馬在中曰服在外曰駢駢即驂也安最外左駢馬頭上以亂馬目不令相見也

東京賦注置駢

馬貫中

故輿服志曰山車金根飾黃屋左纛以副其德章

其功也漢安帝時青衣道夷與徼外夷齋旄牛眊以獻眊者結毛為飾即今馬及弓檠上纓眊也又可以充耳

故楚語曰巴浦之犀犛兕象其可盡乎其又以規為瑱也然犛牛甚自愛其尾凡萬物之類其皮革齒牙骨角毛羽有異於物為人所利者亦皆自知珍之豹養其文犀象藏其齒角麝保其臍孔雀護其尾然而時有緩急故麝遇逐決其臍以自免蚺蛇之膽嘗為人取者則舉其瘡示人唯犛牛護尾特甚性至麤梗難制然草木鈎其尾則止不動解乃得去故西方之書言人為情欲所繫不能自拔者喻之今欲取其尾者使人歌於前弭然

乃可取矣周書武王狩擒羆七百二十有一然則不特西南夷乃有也又莊子稱羆牛其大若垂天之雲者司馬彪亦以為旄牛然上林賦庸旄貍羆羆牛黑色亦出西南徼外然非此屬字書羆莫支反羆羆牛尾也里之反羆彊曲尾可以箸起衣也洛哀反顏監曰庸牛即今羆牛也旄牛今偏牛也羆牛今貓牛也

王會篇樓煩星旄荀子西海有

大旄

羆

羴者西方野羊似吳羊而大角故曰羴如羊也狀若驢  
而羣行其角甚大受斗餘夏天塵露在其角上生草載  
行愛玩之獨寢餘者不敢近也代都賦云羴羊養草以  
盤旋切詳萬物之生皆依於物故魚依水草依土鵲巢  
有水則能畜魚羴角有土則能養草皆生非其類此羴  
乃與麋羊不同故釋獸羴如羊麋大羊陶隱居稱羴羊  
多兩角一角者為勝角甚多節蹇蹇圓繞別有山羊角  
極長惟一邊有節節亦疎大爾雅名羴羊而羴夷云只

此名羚羊唐本乃云羚羊如牛大其角堪為鞍轡一名  
羴羊俗名山羊或名野羊善鬪至死而陳藏器稱山羊  
山驢羚羊三種相似則唐本之說似非矣顏監解上林  
賦云羴羊今所謂山羊也

豪

豕號為剛鬣而豪之毛尤異夾髀麤毫至長數尺能以  
頸上毫射物其毫大如筭白而黑端入肉處纔一二分  
中間白處常隱不見但見其黑端爾見人則怒白色盡



露已而激去蓋是怒氣所發未必以射人也凡萬物變化蓋不可以類推今嶺南海魚變化之異者黃魚化為鸚鵡沙魚之斑者化為鹿泡魚大者如斗身有刺乃復化而為此說易者以巽為魚魚之為龍為鹿震巽相易者也化為鸚鵡巽變離也化而為豪巽變坎也又豪矢屬屬於坎坎弓也乾為園矢取巽離弓取巽坎豪彘激毫短狐射影無非坎離之變物之變化動作合於象數有如此者列子稱竇爰之獸有自孕而生者惟豪亦然

郭璞贊曰剛鬣之族號曰豪狶毛如攢錐中有激矢厥體兼資自為牝牡長楊賦云挖豪豬一名帚獮

獮

獮如小狗水居食魚率以正月取魚於水傍四面陳之謂之祭魚獮不祭魚國多盜賊蔡邕月令章句曰獮毛蟲西方白虎之屬水居而殺魚者也春之時乙以柔配庚剛故金得殺於木毛蟲害魚於春陽自然之氣不為妖異故以為候祭者陳之陸地進而弗食獮歲常兩祭

古者漁人候此而入澤梁故先儒言漁人之職歲五取魚則以孟春獺祭為一季春薦鮓為二秋獻龜魚為三孟冬獺復祭為四季冬始漁為五說者以其祭為祭天魏蔣濟則云豺獺自祭其先是皆不可知者也其所陳之魚許叔重注淮南子則以為用鯉束皙補南陔詩曰有獺有獺在河之涘凌波赴汨噬鮐捕鯉噉噉林鳥受哺於子養隆敬薄惟禽之似以獺能祭鳥能養故孝子以相戒則又鮐鯉兼祭矣又古稱獺嗜鮐魚乃不避死

魏徐邈畫板作鰐懸洛水岸以誘白獺羣獺盡來一時  
執得性能知水之高下其為穴必預度水所不至鄉人  
以是為潦水之候又有一種名獺陶隱居云獺獺形大  
頭如馬身似蝙蝠不入藥用藥用當取以魚祭天者三  
蒼解語云獺似青狐居水中食魚說文亦云獺獺屬或  
從賓然則獺蓋莊子所謂獭獺狙以為雌者以其能水  
能陸故與禺屬為雄雌桑大夫曰水有獺獺而池魚勞  
國有強禦而齊民消淮南曰養池魚者不畜獺獺謂是

物也今人以一種小者為抓鰮言能抓鰮魚食之又有水鼠能入水伺大魚騎之而齧其尾魚以故不蕃然非獺類舊說諸畜肝葉數皆定惟獺肝一月一葉十二月則十二葉吳孫和嘗醉舞如意誤傷鄧夫人頰以百金求白獺髓為膏以滅癰一名水狗每旦率以五更初出飲水知人欲取之則入石洞伺其祭魚則有鬪死者穴中有枯骨山海經曰壑山瀟山之水出焉有獸名曰獺其狀如鰮其毛如毳鬣

鮫鯉

鮫鯉四足似鼃而短小狀如獺徧身鱗甲居土穴中蓋獸之類非魚之屬也特其鱗色若鯉故謂之鮫鯉又謂之鮫豸野人又謂之穿山甲以其尾大能穿穴故也能陸能水出岸開鱗甲不動如死令蟻得入蟻滿便閉甲入水開之蟻皆浮出因接而食之故能治蟻癩吳都賦曰陵鯉若獸其字從陵以其居陸也後魏高宗時兗州東郡吏獲此獸京師無識者唯高祐識之以為三吳所

出餘城所無時謂博識

考

天問曰鮫魚何所王逸以為

鯉一云陵鯉也有四足出南方蓋以為此獸故釋吳都賦者亦引以為證至柳宗元天對乃云鮫魚人貌邇列姑射則是用山海經所謂西海中近列姑射山有陵魚人面人手魚身見則風濤起者爾非此物

兔

兔視月而有子其目尤瞭故牲號謂之明視天問稱夜光何德死則又育厥類惟何而顧兔在腹蓋月唯望一

日滿餘時常缺兔口亦缺以類相致說者以為天下之兔皆雌惟顧兔為雄故皆望之以稟氣古稱日鳥月兔相傳已久傳曰日無光則鳥不現鳥不現則飛鳥隱竄漢元帝永光元年日中無光其日長安無鳥而今世卜兔之多寡者以八月之望是夜深山大林中百十為列延首月影中月明則一歲兔多月暗則兔少是稟顧兔之氣以孕也然兔亦自有雌雄不專視月古樂府亦云雄兔脚撲朔雌兔眼迷離兩兔逐地走安能知我是雄



雌蓋雌雄之難辨者云爾論衡云舐雄毫而孕及其生子從口中吐出冬月唯齧木皮至春草長麥繁而肉反不美凡野獸鮮有羴唯兔足底皆毛號建毛性狡以善走齊之良兔曰東郭綽蓋一旦而走五百里與齊之良狗韓廬同足其居號三窟馮援以此導田文今兔之所處其穴常為三竅獵者攻之常顯然自其正穴躍出而顧循其背自後竅入坐穴中獵者反以是得之岳陽人以兔為地神無敢獵者又巴陵烏絕多無敢弋不知何

故也其毫利為筆韓愈傳毛穎稱蒙恬取兔毫為筆乃不其然蒙恬所造即秦筆耳以枯木為管鹿毛為柱羊毛為皮所謂蒼毫非兔毫竹管也兔毫自漢以來有之耳崔豹說之甚詳又淮南鴻烈曰昔蒼頡作書而天雨粟鬼夜哭以為鬼恐為書所劾故哭而悲之許叔重乃云鬼或作兔兔恐見取毫作筆害及其軀故夜哭夫自黃帝蒼頡至于秦蓋二千餘年考蒙恬乃始作秦筆而兔毫竹管又出於鹿毛木管之後彼之哭者骨朽久矣許

說非也

宋符瑞志白兔王者敬耆老則見赤兔王者德盛則至春秋運斗樞曰玉衡星散為兔

貂

貂鼠屬大而黃黑好在木上亦謂之栗鼠其尾特大漢之侍中中常侍武冠加黃金璫附蟬為文貂尾為飾謂之惠文冠起於趙武靈王效胡服以金璫飾首前插貂尾為貴職秦滅趙以其君冠賜近臣應劭以為金取堅剛百鍊不耗蟬居高飲潔口在腋下貂內勁悍而外溫潤此因物生義也徐廣以為蟬取清高飲露而不食貂

紫蔚采潤而文采不彰灼而胡廣以謂北方寒涼本以貂皮暖額附施於冠遂成首飾則廣之說是也今高麗有貂帽貂裘冬溫夏涼利以入水纔出岸振迅之則乾雪著其上則消又北方往往黃塵眯人眼以袖拭目則塵去古亦以為裘趙王資蘇秦貂裘黃金使說秦王破關中之橫書十上而說不行黑貂之裘敝黃金百斤盡是亦起於趙也傳曰貂不足狗尾續言貴賤之不同貂實鼠類故其字又作鼬作鼬說文云出胡丁零國今人

謂之貂零恐以此廣志曰貂出扶餘挹婁

王莽更漢家黑貂著黃貂

唐正觀五年東

室韋貢豐貂

### 蟹

蟹鼠前而兔後趨則頓走則顛故常與印印距虛比為  
印印距虛齧甘草即有難印印距虛負之走故號比肩  
獸然蟹世所希見漢雁門廣武縣夏屋山中有獸形如  
兔而大相負共行土俗名之為蟹鼠先朝沈括使遼稱  
契丹北境慶州之地大漠中有跳兔形皆兔也但前足

纔寸許後則幾一尺行則用後足跳一躍數尺止則蹶然仆地捕得數頭持歸此則蟹也蓋蟹自能跳躍亦能與同類相負共行特假於叩叩距虛以走叩叩距虛蓋二獸子虛賦曰鼃蛩蛩麟距虛張揖以為叩叩青獸其狀如馬距虛似羸而小說苑孔子曰蛩蛩距虛見人將來必負蟹以走二獸者非性愛蟹也為得甘草而貴之故也然則負蟹者或叩叩或距虛二物不相須也郭氏又以蟹鼠前而兔後意叩叩距虛當鼠後而兔前前高

不得取甘草故須蟹取之按印印距虛相如賦以為狡  
獸與野馬駒駢遺風游騏橐駝驛駢駢駢言之又本  
草稱距虛食菴藺子而仙則是物之至駿者故昔之言  
駿馬前類飛鳥後類距虛以其前軒而後輕也豈宜後  
足若鼠耶且蟹惟前短而後長故不能走而有待於物  
然猶獸之常理若長前而短後豈直不能負物而已哉  
直便無是理也又狼亦負狼前足短而狼後足自如  
印印距虛不當短其後也周書王會獨鹿國獻印印距

虛孤竹獻距虛釋者以為印印似鼠距虛負而走距虛者野獸驢羸之屬則是以印印為蟹也與爾雅說苑及詞人之說異今不取

郭璞曰距虛即蟹蛭變文互言耳

彙

彙之為獸小小耳其狀似鼠而毛刺大者如小狍小者如爪脚短刺尾長寸餘蒼白色見人則藏面腹下圓輒如栗房攢毛外刺不可搏執漢元封二年大雪深數尺牛馬蹇縮如蝟蓋似此也淮南曰鵲矢中蝟此類之不



可推者蝟獨畏鵲緯書曰火爍金故鵲啄蝟宋均曰蝟有兵刺故謂金鵲處高得火氣也蝟見鵲便自仰腹受喙或曰蝟極孱鈍或惡鵲聲故反腹令啄欲掩取之猶蚌鷸耳非有畏也今人以彙皮理素之紕類者其皮與山枳鼠皮相似但枳鼠毛端兩岐為別彙有毛刺故通為品彙之彙易曰拔茅連茹以其彙征吉萬彙之雜然皆生如彙毛矣至於豪者其毫特達出於其類故才出人曰豪亦謂此爾傳曰盜賊如蝟毛而起彙可以治胃

疾故又從虫從胃又從豸則為貍從大則為貍

西京賦  
墟狔貍

貓

貓小畜之猛者性陰而畏寒雖盛暑臥日中不憚鼻端  
四時冷濕惟夏至即溫目睛早晚員日中如線就陰則  
復員其耳經捕鼠之後則有缺如鋸如虎食人而鋸耳  
也洗面過耳則有勝客至其色有似貍者通謂之貍說  
苑曰騏驥駉駉倚衡負軛一日千里此至疾也然使捕  
鼠曾不如百錢之貍古者蜡禮迎而祭之故說者曰蜡

蓋三代之戲禮也祭必有尸無尸曰奠蜡謂之祭則有尸猫虎之尸誰當為之致鹿與女誰當為之非倡優而誰是其說起於先儒欲滿八蜡之數故兼猫虎而列焉夫猫虎雖能食田豕田鼠然所以主此者蓋必有神於此詩曰去其螟螣及其蟊賊無害我田穉田祖有神秉畀炎火夫去螟螣蟲賊而畀之炎火者人也然必曰田祖有神相之耳今去田鼠田豕者雖猫虎也然所以使鼠豕得去者豈無神以掌之耶迎猫虎以祭其所主之

神固自有尸矣孟子曰食而弗愛豕交之也愛而弗敬  
獸畜之也故所以接神者不可同於人所以遇人者不  
可同於畜豕獸尚不以人道遇况當以人道接耶故祭  
不宜及猫虎祭不及猫虎蓋以物享之則不為戲禮矣  
然則猫虎所主者何神曰自田而言之當屬田祖自禽  
而言之則當祀祊

狸

狸者狐之類狐口銳而尾大狸口方而身文黃黑彬彬

蓋次於豹故稱大人虎別君子豹別辯人狸別山鬼乘  
赤豹從文狸也狸善搏者也為小步以擬度焉其發必  
獲謂之狸步量侯道者法之古者王大射則射人以狸  
步張三侯夫射力有大小故射侯有近遠自士大夫卿  
以至諸侯其德大者其威宜遠其德小者其威宜近故  
其張侯之法意皆可以丈引度而設也王者威行無外  
而射力則有限焉大射之際又所以威冒天下四方之  
諸侯必將有在庭者苟按而設之是測量天威損天子

之體者也故為小步若狸者焉詳密而進既善為頌義  
取必中而又數在其中此神道設教所以尊皇極者也  
狸好伏故稱伏獸又鼈蜃之類謂之狸物蠱蠱之類謂  
之狸蟲字皆取於狸而音為埋則狸亦埋藏之獸矣

狐

狐妖獸鬼所乘也其狀銳口而大尾說者以為先古淫

婦所化

其名曰紫其怪多自稱阿紫

善為魅惑人故稱狐媚聞為媚

者以小口器盛肉置之狐所常處狐見肉欲之爪不能

入徘徊不捨涎皆入器中取以為媚藥蓋妖祥之禽故  
古有以篝火狐鳴以惑衆者狐之色赤詩曰莫赤匪狐  
莫黑匪烏言其上下並為威虐莫適擇也今狐所在烏  
輒羣而噪之蓋皆妖祥之禽人之所去也又師曠以為  
東方有鳥文身朱足憎烏而愛狐然則狐可好烏可惡  
今並為威虐則莫適求愛憎之正矣狐既淫媚之物故  
詩人以比齊襄公求妃偶於南山之上綏綏然其行人  
皆惡之詩人之義寓物以顯其人雄狐者君之象也春

秋秦穆公伐晉筮之吉曰獲其雄狐釋者曰夫狐蠱必其君也既而獲晉惠公詩人但言齊子之歸而說者知其為齊襄公而來蓋亦以此狐性善疑方河水合時狐聽冰下水無聲乃行人每則之皆須狐已行乃度易未濟稱小狐汔濟濡其尾蓋狐小尾大則有未濟之象以之為戒亦狐是執心不定者故春秋外傳曰狐埋之而狐搢之是以無成功既自埋藏又自搢發皆執心不定之貌又漢敦煌郡杜林以為古瓜州顏師古曰即春秋



傳允姓之戎居于瓜州者也其地今猶出大瓜長者狐  
入瓜中食之首尾不出說文云狐有三德其色中和小  
前大後死則丘首管子云代出狐白之皮狐白應陰陽  
之變六月而壹見九尾狐文王得之東夷歸焉

山海經  
青丘之

國有  
之

# 貉

貉善睡之獸似狐畜而養之扣之則寤已而復寐豳詩  
曰一之日于貉取彼狐狸為公子裘夫所取狐狸爾而

謂之于貉者周人將獵則先祭貉故謂獵為貉周禮曰祭表貉則為位蓋糴之將出貉為先導表貉之所在知獸之所聚故祭而取之穆天子傳曰天子獵於漆澤於是得白狐玄貉焉以祭于河宗此周禮獵祭貉之驗也亦方物所生各有所主貉之踰汶則死豈主於河耶孔子狐貉之厚以居蓋居者所以利用安身也先事而慮有若狐者焉所以為利用無事而息有若貉者焉所以為安身又聖人之居所以致其辨狐孤也貉各也狐一

羣不二雄貉與獾同穴而異處可以致其辨矣獬子貉  
其雌者名猯今江東呼貉為猯獬詩義問曰狐之類貉  
獬狸也貉子曰獬獬形狀與貉類異世人皆名獬貉子  
似狸然則貉之為各又取於此說文狐獬從豸從舟而  
謂貉為北方豸種其字從各為蠻貉之貉此但據論語  
說之爾貉亦善捕說苑曰猿猴失木禽於狐貉者非其  
處也

北羆山有獸名  
獨貉行止無伴

窮奇

窮奇神異之獸能食人上林賦窮奇象犀蓋獬豸觸邪  
撓之人窮奇食忠信之士其性相反故其名曰窮奇昔  
堯時四凶族有渾敦窮奇檮杌饕餮之名而世莫能盡  
其說說者謂渾敦不開通之貌耳案海內東北經曰三  
危山西曰天山莫水出焉而西流注于陽谷有神狀如  
黃囊赤如丹火六足四翼渾敦無面目是識歌舞實惟  
帝江莊子以無  
敦為混沌驩兜比周頑嚚目無辨別故以渾敦比  
之窮奇之名說者特謂其行窮其好奇耳案神異經曰

窮奇狀如牛而色狸尾長曳地其聲如狗狗頭人形鉤爪鋸牙逢忠信之人齧而食之逢姦邪之人則捕禽獸而飼之亦食禽獸之肉海內西北經亦曰窮奇狀如虎有翼食人從首始在蚰犬北又東北經曰邽山上有獸狀如牛蝟毛名曰窮奇注云或云似虎蝟毛有翼海上所謂窮奇者千歲聃耳虎一名神狗也共工專誣害盛德故以窮奇比之檇杙之名說者特謂頑凶無儔匹之貌耳按物類相感志曰檇杙西荒中獸如虎豪長三尺

人面虎爪口牙一丈八尺人或食之獸鬪終不退却唯死而已荒中張捕之復黠逆知一名倒壽伯鯨傲狠忘身故以檣杙比之饕餮之名說者謂貪財為饕貪食為饕耳北山經曰鈞玉之山有獸羊身人面目在腋虎齒人爪音如嬰兒名曰狍鴞食人為物注云貪婪食人未盡遂害其身像在夏后鼎左傳所謂饕餮者也三苗飲食貪冒故以饕餮比之由此四物言之則竅窳大風封豕豮齒長蛇之類皆以物比人不能詳其說然皆可以

類通之也

淮南子窮奇廣莫之所生也注云天神

檮杌

檮杌好鬪至死不却西荒中獸也狀如虎豪長三尺人

面虎爪口牙一丈八尺

神異經云毫長二尺人面虎足豬牙尾長丈八尺

人或

食之獸鬪終不退却唯死而已荒中張捕之復黠逆知

之一名倒壽商之興也嘗次于丕山故內史過荅虢公

神降于莘之問以為或有神以興亦有以亡也或曰檮

杌即鯀據左氏顓頊氏有不才子謂之檮杌蓋指伯鯀

又鯀為夏郊三代祀之夏之祀鯀乃其先祖商不應祀或以次于丕山因祭之爾周則封杞節以祀之又諸國之史晉謂之乘魯謂之春秋楚謂之檣杙乘以載丘乘之數春秋以備四時之事又史者所以數往知來者也檣杙之為物能逆知來事故以此目之

饕餮

饕餮羊身而人面其目在腋下虎齒人爪音如嬰兒食人為物釣玉之山有之山海經謂之狗鶚郭氏以為貪



婪食人未盡遂害其身像在夏后鼎以夏鼎言之昔夏之方有德也遠方圖物貢金九牧鑄鼎象物百物而為之備使民知神姦是則夏鼎之上無所不象今獨稱饗饗者饗饗食而不戒以自殘其身鼎食器也欲使食者知以為鑒故尤別而異之其圖在足呂氏春秋曰周鼎著饗饗有首無身食人未咽害及其身以言報速也今鼎鬲之類凡三足者每足皆作獸狀瞋目屯牙自銜其足此則饗饗象也其事自夏鼎來矣

音釋

聲

莫交反

轟

音盜

駢

音非

眊

音二

瑱

他甸切以玉充耳也楚靈王虐白公

子張驟諫王病之曰子復語不穀雖不能用吾慙寘之於耳對曰云云注規諫也瑱所以塞耳言四獸之牙角可以為瑱不盡而蚘如占

釐

李呂之反徐李音來

犂

甫容切野牛也

獬

音元

麤

音零亦作矜

豪

鬣

音獵

髀

音俾股也又步米切

并

音雞

泡

披交切

狶

火宣切

挖

說文曰挖曳也徒可切

獺

音捷

鰻

音縵

獼

婢賓切

徧

普年切又篇面反

禹

音遇

抓

側交切

鰯

音秋

癥

薄官切

瀟瀟

音容水名

鰻

而朱切

鯪鯉

豸

他爾切

癢

音樓

列姑射

射音夜

經列姑射在

山海

在



文采異  
於貉貉

三侯

儀禮注謂熊侯  
貉侯豺侯也

量侯道

謂去堂遠近也侯  
道五十弓弓制六

尺

狸步

狸之伺物每舉足者止視遠近苟  
發必中也是以量侯道取象焉

頌容

蜃

大蛤也市

軫  
反麀

音柘亦作蟻說文蟲也一曰蝗類一曰  
鼠婦周禮赤友氏注狸蟲麀肌蛛之屬

狐

纂

音溝  
薰龍

搢

苦骨切

貉

音鶴亦作貉  
貉本作貉

獾

火丸切

踰汶

毛晃韻注  
汶與崕同

謂汶江也考工記貉踰汶則死  
陸德明音問誤詳見列子釋文

獾

音丸

獬

玉篇無之疑  
當作獬音殍

獬

他九切

獬

乙郎切

獬

山吏切

窮奇

渾

戶本切

敦

徒本切

檮

徒力切

切

杌

五忽切

饕

他刀切

餐

他結切

驩

呼端切

兜

都侯切

行

下孟反

好

呼報切

反  
蚰犬

音陶蚰犬如犬  
青色食人從首始

却山

山海經  
音圭

狍

音庖

鴉

于驕反

窳

窳

上音軌下音愈獸名狀若龍首亦作猥

大風

風伯也能壞人屋舍羿射殺之

鑿齒

齒長三尺

其狀如鑿不徹領下而持戈者

封豕

大豕也

長蛇

大蛇吞象三年而出其骨

檣杵

鯨

占本反

鄧

疾陵反左傳注鄧國今瑯琊鄧縣

饕餮

鬲

鄧的切又音華

爾雅翼卷二十一

欽定四庫全書

爾雅翼卷二十二

宋羅願撰

釋獸五

牛

駉

駉

駉

駉

駉

駉

魚

驢

駉

駉

閭

駉

牛

牛大牲也牛件也件事理也象角頭三封尾之形又牛  
為大物天地之數起於牽牛故物從牛牛為物大可以  
分故半從八從牛牛之名色特牛謂之牯牛父謂之特  
子謂之犢吳人謂犢曰犗牛羊無子謂之犝一歲謂之  
犗三歲謂之犖四歲謂之牝驂牛謂之牯純色謂之牯  
駁謂之犖白黑雜毛謂之牯掠黃白色謂之牯駁如星  
謂之牯黃牛虎文謂之牯黃牛黑脣謂之牯白脣謂之



犗又謂之將長脊謂之犗白牛謂之犗世本胘作服牛  
黃帝臣也宋景文公云古者牛惟服車書曰犗牽車牛  
易曰服牛乘馬漢趙過始教人用牛代耕而王弼注易  
云牛稼穡之資是不原漢始牛耕之意余按古稱牛耕  
非特王弼之說也其來舊矣太史公律書曰東至牽牛  
牽牛者言陽氣牽同萬物出之也牛者冒也言地雖凍  
能冒而生也牛者耕殖種萬物也淮南子曰殺罷牛可  
以贖良馬之死莫之為也殺牛必亡之數許叔重以為

牛者所以殖穀穀者民之命是以王法禁殺牛民犯禁殺之者誅故曰必亡之數太史淮南博通古義其書皆不在趙過後又古人制名冉耕字伯牛其造書也曰犁耕也犁兩壁耕也一曰覆耕種也字皆從牛則耕之以牛尚矣山海經曰稷後曰叔均是始作牛耕郭氏曰用牛犁也漢武帝用趙過代田之說用耦犁二牛三人且稱曰代田古法也后稷始耨田則過之法亦有由來矣景文之說未之盡也牛畜之有力而順者說者云牛但

有豎瞳而無橫瞳見一物輒長造天故童子得而制之  
新論曰馬稱驊騮驥騄牛譽郭椒丁櫟古者犧尊以牛  
為名然亦不盡畫牛故淮南子曰百圍之木斬而為犧  
尊鏤之以剗剗雜之以青黃華藻鏤鮮龍蛇虎豹曲成

文章

新序鄒穆公曰  
百姓飽牛而耕

駉

馬八尺以上為龍七尺以上為駉六尺以上為馬駉減  
於龍而愈於馬亦馬之良者駉宜於牝故釋畜稱駉牝

驪牡玄駒裏驂蓋言以駮為牝以驪為牡而生玄駒則謂之裏驂也驂裏古良馬之名裏驂取名於此則其良可知衛文公乘狄之敗始建城市而營宮室得其時制百姓說之國家殷富其末章稱駮牝三千亦以駮者牝之良利以生駒云爾春秋左氏傳稱元年革車三十乘季年乃三百乘與此不同者蓋馬特居四之一駮牝三千則當有牡一千革車不用牝純用牡馬牡馬一千為車二百五十乘取成數故曰三百乘爾然則牝馬不用

耶曰邦國六閑馬四種謂道馬戎馬田馬駕馬也革車用牡馬一千之外有牝三千足以供道馬田馬駕馬三種之數故凡馬四千匹分為四種衛國於衰亂之後始復備諸侯之儀故詩人美而稱之

駢

駢赤馬黑鬣明堂月令五時駕馬而駢處其二春蒼龍秋白駱冬鐵驪夏用赤駢中央用黃駢中央寓於季夏故所用物同而以色之淺深者為之別也古者駢非所

貴故淮南子曰旁光不升俎駢駢不入牲以其犛也牲而犛且不可用而況天子法天象地為車服以順時授民者而何取夫駢哉且而欲應四時耶則馬固有純色者矣駢也黃也翰也皆馬之純也棄而不用駢與駢皆犛也而顧取之何也月令乃秦呂不韋所作秦人自其舊時自言以水德王故冬之鐵驪以純黑應其德而蒼乃水德所生又近於黑故不以為嫌至於夏之宜用駢中央之宜用黃秋之宜用翰皆與其服色違遠兩者不

可兼也故以馬之體應時令而選其鬣與所尚之德合者以厭之是以夏則棄騂而用赤駟中央則棄黃而用黃駟秋則棄翰而用駱此其為秦而設昭昭矣不然是三時者馬之體色皆與其鬣有異冬之所駕曷不取夫維之白身黑鬣者而特用夫驪之純耶此以知其旨矣

駟

駟駟馬而白腹者也武王伐紂用之詩曰牧野洋洋檀車煌煌駟駟彭彭蓋武王嘗以是勝紂故檀弓論三代

之制夏后氏戎事乘驪殷人戎事乘翰周人戎事乘駟  
說者以為三代乘馬各從正色周不純赤用白腹者為  
上周下商因武王所乘遂為一代成法然按列女傳趙  
津女稱昔者湯伐夏左驂牝驪右驂牝駟而遂放桀武  
王伐商左驂牝駟右驂牝驪而遂克紂至于華山之陽  
則牧野所乘與此異色又詩止稱駟而此有左右驂詩  
言駟而此驂駟驪不應傳聞有異蓋詩所陳謂牧野清  
明之日至其逐紂至華陽或當驂此等爾



駟

黃馬黑喙曰駟宋明帝以駟字旁似禍改作馱唐太宗

有拳毛騶

缺文

馬

後左足白曰駟案釋畜馬之四足白皆有名前右足白  
曰啟左白曰蹄後右足白曰驤左白曰馵凡陽靜而陰  
躁馬之力其左不如右強啟者開也前右足白則為開  
道蹄者閉也公羊傳曰相與蹄間而語閉一扇一人在

內一人在外廣韻居綺切前左足白則為閑驤者騰也  
後右足白則為驤馬者繫也後左足白則為馬蓋獸之  
白皆為躁故詩稱有豕白蹄以為豕之躁者而易震卦  
為馬足又為作足作者作動也史稱隋文帝驅馬脊有  
肉鞍行則先作弄四足然則馬雖以色稱又為繫馬之  
名亦以其好動而馬之爾馬既躁馬好動故秦人備兵  
甲以討西戎征伐不休國人矜其車甲必先言駕我騏  
馬而後乃言四牡孔阜四馬既閑爾阜與閑未足矜也

其材之富可知矣此以見文王育材之盛也言德之儉則其養之也以其所愛及其所不愛則僖公之牧馬是也一章良馬則有驕有皇有驪有黃二章戎馬則有騅有駟有騂有騄三章田馬則有騂有駟有騄有駟四章駑馬則有駟有駟有駟有駟蓋始者牧夫驕黃之純色浸至騅駟之間色以及於騂駟之不純不得已而及於騅魚之驚畏騅魚猶養之則其德之儉可知矣此有以見僖公之善牧馬也相馬之說曰馬目欲得黃又欲光

而有紫豔若目小而多白則驚畏驚畏者馬之大病故其序尤在後然漢武帝得西域之駿蒲梢龍文魚目汗血之馬充於黃門以魚目為名豈此類耶

驢

驢似馬而長耳其毛龐褐不甚駿異九懷云驢垂兩耳中坂蹉跎蹇驢服駕無用日多驢既低小而不甚駿故稱蹇馬則為無用甚矣一名為衛或曰晉衛玠好乘之故以為名始自漢靈帝於宮中西園駕四白驢躬自

操轡驅馳周旋以為笑樂於是公卿貴戚轉相放效至  
乘輜輶以為騎從互相侵奪價與馬齊說者以為驢遲  
鈍之畜致遠上下山谷野人之所用耳何有帝王君子  
而驂服之乎是胡服之妖也性能旋磨及馱負故袁淑  
九錫云負磨迴衡迅若轉電是也率以午及五更之初  
乃鳴說者云音隨時興晨夜不默仰契玄象俯協漏刻  
應更長鳴毫分不忒是其事也其聲醜惡乃獨有好之  
者王粲好驢鳴魏文帝臨其喪使赴客皆作驢鳴又晉

王濟好之孫楚哭之為之作聲而形體皆似人之嗜好  
不同有如此者或所無處其鳴亦能駭虎顧久習其伎  
則殺之矣其子案說文別名驢

羸

羸者馬牝驢牡所生似驢而健於馬舊非中國所產故  
漢書以為匈奴奇畜也馬力在前膊驢力在後髀羸力  
在腰騎乘者隨其力所在而進退之羸股有鎖骨故不  
能生其狀大骨若臼而口小小骨若杵而頭大小白口

銜大杵頭故不可出此羸所以不滋息然馬生一羸其  
賈過馬遠矣漢元康中龜茲王絳賓娶烏孫公主女自  
以尚漢外孫樂漢衣服制度歸倣而作之外國胡人皆  
曰驢非驢馬非馬若龜茲王所謂羸也言其不純一爾  
晉令乘傳使遭喪聽乘騾車騾車者犢車裝而馬車轅  
駃騠

說文曰羸驢父馬母也駃騠馬父驢母也故傳稱駃騠  
生三日而超其母言其過於驢爾周書伊尹令正北以

駃騠為獻古者人君所乘以為珍駕蘓秦相燕人惡之於燕王燕王按劍而怒食以駃騠言其信蘓秦之篤激於譖者之言反以珍駕殺而享之以示與之無愛也桑御史言孝武皇帝時平百越以為囿圃却羌胡以為苑囿是以珍怪異物充於後宮駒駼駃騠實於外廐然則自古貴之矣又一名鷖崔豹古今注云驢為牝馬為牡則生羸馬為牝驢為牡則生鷖蓋今之人以此類為駞駞亦與鷖音相符然玉篇稱駞驢父牛母則與崔及



今說異今蜀中羸乃有馬與牛合而生者皆牛為牡馬  
為牝故今川廣皆產羸生於廣者蹄輕產於蜀者蹄重  
以大武之遺體也此實四類然古今說者但有羸及驢  
駃騠二類之名驢父牛母自當從古說附于驢篇牛父  
馬母亦以俗而謂之羸爾識者詳之也

宋符瑞志又有一  
跌蹄者后土之

獸自能言語王者仁  
孝則來禹治水而至

問

問如驢一角或曰如驢而岐蹄古者大射於太學以為

受筭之器名之為中鄉射記曰君國中射則皮樹中於郊則閭中於竟則虎中大夫兕中士鹿中槩中前跪鑿背容八筭釋獲者奉之先首蓋皆刻木為之狀如此等獸而伏鑿其背以盛筭前足跪者象獸教擾受員也周官有服不氏掌教擾猛獸顧獸有堪受員者有不合受員者若今駝受員則四足俱屈然則取於皮樹閭虎兕者當亦與鹿同意也閭之為物罕見唯周書王會篇北唐戎貢以閭閭似兪冠不知兪冠之為何物而北山經縣

塞之山其獸多閭廩郭氏曰閭即羆也似驢歧蹄角如  
羚羊一名山驢說者言山驢以為山羊之類大如鹿皮  
堪靴用兩角大小如山羊一邊有蹙文又疎慢者為山  
驢則雖歧蹄而不一角而皮樹者人面獸形又獸之異  
者今儀禮皮樹一作繁豎

駝

駝外國之奇畜背有兩封如鞍其足三節色蒼褐負物  
至千斤日行三百里凡欲椿載輒先屈足受之所載未

盡其量終不起古語謂之橐佗橐囊也佗負荷也今云駱駝蓋橐音之轉性能知水源自燉煌往外國者多乘之涉流沙千餘里中無水時有伏流處駝獨知之遇其處輒停不進以足踏地掘之常得泉又青海西北有流沙數百里夏有熱風傷斃行旅風將至老駝預知之引項而鳴聚立以鼻口埋沙中人見則知之以氊壅蔽口鼻而避其患穆天子傳曰天子飲于文山之下文山人獻枋牛二百以行流沙郭氏云駝也匈奴每歲龍祠

走馬鬬橐駝以為樂事蘇秦說楚威王稱燕代橐駝良馬必實外廐是戰國時已入中國矣其卧腹不帖地屈足漏明者曰明駝能行千里古樂府云明駝千里足送兒還故鄉多誤作鳴字唐天寶間嶺南貢荔枝楊貴妃使明駝使馳賜安祿山明駝使日馳五百里取若駝足之捷云明駝亦或作鳴駝凡駝糞為煙直若狼煙鄴中記銅駝如馬形長高一丈足如牛尾長二尺脊如馬鞍在中陽門外夾道相向漢書大月氏國出一封橐駝顏

師古曰脊上有一封封言隆高若封土今俗呼為封牛  
伊尹朝獻商書正北以索駝為獻漢有牧索令丞牧養  
索佗郭璞贊曰駝為奇畜肉鞍是被迅驚流沙顯功絕  
地潛識泉源微乎其智駝鳴曰圓漢舊儀云諸侯王黃金璽  
索佗鈕

音釋

牛 尾 尾古 件 徐鍇曰若言物一件 牯 古郎切 犛 格杏切 牯

徒刀切說文注 牯 音具 犛 山含切 牯 思二切 駝 市陵切 牯 加敗

牛羊無子也

切 𢶏 疾緣 駁 上浦角切 𢶏 莫江切 𢶏 力薑切 𢶏 普沼扶表切

𢶏 普耕切 𢶏 達胡切 𢶏 而純切 𢶏 力拙切 𢶏 居良切 𢶏 音厲說文切 𢶏

五角切 𢶏 古才切初學記 𢶏 音疲 𢶏 叔均 山海經后稷播

白牛也 𢶏 黃帝臣能駕牛 𢶏 音疲 𢶏 叔均 百穀稷之孫叔

均是始 𢶏 非尾切 𢶏 古文𢶏字 𢶏 居蟻切注巧 𢶏 九忽

作牛耕 𢶏 讀若匪 𢶏 廣尺曰𢶏 𢶏 工鈎刀也 𢶏 刷 九月

二切許注刷所以刻鏤之具也青黃采色之飾也華藻 𢶏 華文也鑄今之金鑄也鮮明好也龍蛇虎豹者刻尊彝

為蟠龍伏虎之狀 𢶏 布各切說文鑄鱗也 𢶏 駉 洛哀 𢶏 故曰曲成文章也 𢶏 鍾上橫木上金華也 𢶏 駉 切

奴鳥 𢶏 音窈 𢶏 馬四種 周禮校人天子十二閑馬六種邦 𢶏 國六閑馬四種象路駕道馬田路

駕田馬田田獵也 𢶏 音留 𢶏 驪 力知反 𢶏 旁光 淮南注胞

駕馬給宮中之役 𢶏 純黑色 𢶏 旁光 也俎豆之

爾雅翼 十三





周禮注漆  
赤多黑少

黹

以余切

駝

踣

蒲北切

牝

蒲防切  
良牛名

注圖

乙轄切

鈕

女久切

爾雅翼卷二十二

欽定四庫全書

爾雅翼卷二十三

宋羅願撰

釋獸六

犴

狔

狔

羆

羆

羆

羆

羆

從

鼠

鼯

鼯

鼯

鼯

羴

羴者羊子之總名其別有四羴者五月生羴也羴者六月生羴也羴者七月生羴也羴者羊未卒歲也而釋畜但載未成羊羴郭氏云俗呼五月羴為羴蓋謂羴已生及五月者爾而說文稱五月生羴則似謂仲夏所生按齊民要術稱正月生羴為上種十一月十二月生者次之母既含重膚軀充滿草雖枯亦不羸瘦母乳適盡即得春草是以極佳

八月九月十月生者雖值秋肥然比至冬暮母乳已竭春草未生是故不佳其三月四月生者草雖茂美而羔小未食常飲熱乳所以亦惡五月六月七月生者兩熱相仍惡中之甚然則羔以五月生者乃是不美古稱肥羜以速諸父不應用此但當是生及五月者爾然伐木之詩諸父用羜羜者小羊諸舅用牡牡乃大牛禮隆殺不同者羜乃食禮意親而禮數牡乃享禮意重而禮厚所以待諸父

與諸舅各有所宜也禮記曰羔豚而祭百官皆足  
大牢而祭不必有餘此之謂稱也禮之所謂稱者  
皆如此

羴

羴者吳羊白羴也羴是牡羊之總名而羴乃吳羊  
之羴者古者大率多只言羴易曰羴羊觸藩羸其  
角詩曰取羴以軼漢書匈奴徙蘇武於北海上無  
人處使之牧羴且云羴乳乃得歸專牧羴而望其

乳示武以不得反猶秦之要燕丹以烏白頭而馬生角也羊性好羣而吳羝謂之羝反從分者蓋羝性好抵觸齊民要術畜牧之法大率十羊二羝以為羝少則不孕多則亂羣尤取其無角者恐其抵觸以傷胎也然則雖羣也而宜分之羊之有羝榆亦猶木之有枌榆其物相類但當以色為別蓋羝為白羝枌亦白榆則猶羝也榆為黑羝榆不能白則猶榆也色白有辨之義故皆從分色黑有不辨之義故皆從俞又今榆者北方有之故古

稱榆塞而江南有刺榆無大榆是南方於羊則有粉而無榆於木則有粉而無榆又相類也粉白榆唐韻文

牂

羊牡粉牝牂廣雅曰吳羊牡一歲曰牡牝三歲曰羝其牝一歲曰牝牝三歲曰牝羊墳首三星在留蓋牡粉牝牂墳猶粉也幽王之時西戎東夷之亂蓋始於褒姒而其禍遂連於中國詩人傷之於其末章窮而反本故言牝羊粉首喻婦人而為男子之事猶武王數紂



稱牝雞之晨矣三星在罍三星昏姻之星在罍則非其所矣又以歎夫褒姒也牂羊為喪喪之賤者淮南子曰晉文君大布之衣牂羊之裘常以帶劒威立于海內字說曰牂以乘而不逆為剛牂以承而不隨為臧所謂牂牂言小狼也牂柯者以能入為柯所入為牂欲小狼焉蓋牛之性順牂能牡而猶有順性故為乘而不逆羊性狠牂雖牝而猶有狠性故為承而不隨案牂止是牝羊而詩正義欲合墳大首之義稱為牝小羊夫吳羊三歲

稱牂則非小矣五行傳有羊禍說者曰易剛而包柔為離離為火為目羊上角下踧剛而包柔大目而不精明視氣毀故有羊禍

羴

歸藏曰兩壺兩羴郭氏以為羴黑羴引以解夏羊牡羴之義案吳羊則白夏羊則黑而陶隱居稱羊有三四種最以青色者為勝次則烏羊其羴羴羊及虜中無角羔其乳髓肥好不及都下者今江南以東羊白而豕黑江

南以西羊黑而豕白古者為裘則用白者故羔羊之詩  
曰羔羊之皮素絲五紵是因羔羊之色而用絲也然黑  
羊自為食之美者故左傳曰專之渝攘公之瑜蓋諸侯  
無故不殺牛以羊為食大夫無故不殺羊以犬豕為食  
瑜者公之美食故瑜又訓美若專嬖驪姬則將有變竊  
君之美祿有喪羊之患故易稱卦羊喪羊者皆如此也  
渝訓變瑜以類相從則亦有變之義瑜老而為猿列子  
曰老瑜之為猿是也

羖

羖本夏羊牝者之名以吳羊白夏羊黑今人便以牂羖為白黑羊名羖羊之角主明目安心益氣輕身辟鬼魅虎狼療疥蟲蠱毒結氣止寒洩其角為用最大而詩云由醉之言俾出童羖蓋羖之美在角今使出無角之羖羊脅以無然之物猶言而無實不為用也昔秦穆公嘗以五羖之皮贖百里奚號五羖大夫羖為角音又為古音詩以羖與語協韻是也羖在今世但為黑羊之名不

取牝義而音又通於牯故本草殺羊條注稱牯羊牯乃  
牡之名殺音同於牯而稱為羊之牯猶兕音同於牯而  
稱為犀之牯也殺既通於牯為牡則踰反當為牝故字  
說取之張湛列子注亦云踰牝羊也字說曰夷羊謂之  
羴而夏羊謂之殺則由中國之道無分也處之有宜而  
已夷羊謂之羴而夏羊謂之踰則由中國之道非特承  
上以為臧有可否之義焉以殺合羴言之以踰合羴言  
之是以殺為牯踰為牝也不用釋畜夏羊牡踰牝殺之

文矣

牽

牽七月生羔也羊之類易繁一歲之間母既生子子復生孫孫又生子號為一歲三生詩曰誕彌厥月先生如達箋云達羊子也后稷之在其母終人道十月而生如達之生言易也蓋婦人之生首子其產多難而姜嫄又因履武而感其事尤異夫感異而孕者其生亦異故禹母脩己感石而生禹圻胄而出契母簡翟吞燕卵而生

契副背而出今其事類此宜乎有坼副災害而今也生  
之之易乃如羊子之易則周人所以尊而頌之也羊比  
於六畜為易生又繁息之物故獨比之猶兔吐而生子  
生之易者故產育謂之媿亦媿乃免子之名也薛綜荅  
韋昭曰羊子初生達小名羔未成羊曰羖大曰羊長幼  
異名以羊子初生之易故以比后稷生之易也說文亦  
云牽小羊也從羊大聲讀若達與說文七月生羔不合  
當考 蓋達是七月之羊說者以七月之羊已為成長不

當始述其初生之易故更之云初生為達言猶未成羔也然詩既稱先生乃謂首生羊半歲以上正其首出之時故以其首生之易比達不以達為羊子而比子也則說文之說通矣

豨

豨豕四蹄皆白豨豕之躁者詩曰有豕白蹄烝涉波矣月離于畢俾滂沱矣豕之性能水牧豬之所必在水草之交故豬從豬以豬所食息也天將久雨則豕進而涉



水波白蹢尤其躁進者故先進焉月離于畢亦將雨之  
候役者之病惟雨故東山歎零雨其濛今二兆並見則  
大雨必矣役久病于外者所為歎也在十二少皆配十  
二支故巳象蛇豕象亥史晉師伐齊以巳亥為三豕是  
也今既豕又從亥者蓋北方之卦水洊至為習坎豕豕  
為水之畜又應於水為能充其類故在物從豕在氣從  
亥亥者六陰俱盛嫌於無陽論道者惡之故卦以六陰  
稱龍月以六陰稱陽在物則指事而已六陰氣類相應

不嫌於習故從豕而又從亥也

豨

豨豨豕也凡六畜之屬皆見於釋畜惟豕見於釋獸以豕者通田豕之名故別異之詩曰彼茁者葭一發五豨于嗟乎騶虞豨豨豕也射豨何足以為仁案說文稱豨豨豕一曰二歲能相把拏也然則豨豨豕之小者故又謂之小豨二章則彼茁者蓬一發五豨蓋豕生三為豨縱亦豕子也言雖取害稼之物然亦必待其成淮南子

言先王之政魚不長尺不得取鼯不朞年不得食今皆一歲二歲之豕所以為仁也夫田豕害稼古者迎虎而食之騶虞所發止於害稼之類又所以為仁也必言一發而五者蓋騶虞樂官備之詩天子以備官為節王之所向一發而中臣下從之五豕見中其備如此是詩也與吉日之詩畧同吉日之詩曰發彼小豕殪此大兕其序亦云能慎微接下無不自盡以奉其上焉豕一發而五自豕而至兕皆備盡之道也古者田獵大獸公之小

禽私之貍小禽也蓋吉日之臣自貍而殪大兕不私於已所以為奉上騶虞之君止於貍而已亦不私於已所以為仁也其言小貍又有以見貍獾之相類也雖然王田不取羣今一發而取五者田不取羣當是謂罔罟之事惡其盡取此射而以藝得之不傷於仁亦孔子釣弋而不網之義也字說曰貍所謂婁豬巴猶婁也

獾

豕生三子謂之獾生二則謂之師生一則謂之特郭氏

以為豕生子常多故別其少者之名豨从從義猶從也  
羣以從母有約從之義蘇秦說韓王稱寧為雞尸毋為  
牛從尸主也一羣之主所以將衆者從從物者也隨羣  
而往制不在我者也豨之从從亦牛從之義然在爾雅  
稱三為豨而召南稱一發五豨者蓋詩所稱不特一豕  
之子又凡稱三者皆自三以往不特為少者立名且其  
序曰天下純被文王之化則庶類蕃殖豕既生子常多  
而又蕃殖於此而言豨則豨為自三以往之名審矣說

文又以小豚為穀生三月為穰生六月為穰或曰一歲為穰二歲能相把孥為貍三歲豕肩相及為豨其說穰與爾雅不同然皆小豕之名故詳著之

鼠

鼠盜竊小蟲夜出晝匿穴蟲之黠者其種類至多穴於寢廟畏人故也然管仲稱社東木而塗之鼠因往託焉燠之則恐燒其木灌之則恐敗其塗此鼠所以不可得殺者以社故也以喻君之左右鼠則一耳惟其所處故

太倉之鼠飽食而不驚廁下之鼠穢食而畏人李斯所以發憤也好自揚弄其鬚禾稼成時輒相率竊取覆藏之以為冬儲人或掘之得數斗許及橡栗百果皆類此得則奪其一歲之蓄詩稱相鼠以刺人之無禮者今河東有大鼠能人立交兩脚於頸上或謂之雀鼠韓退之所謂禮鼠拱而立者也相鼠有皮又有齒有體皮外飾也故象人之有儀齒有時以齧有時以止在易艮為鼠故齒象止體者百體之動也說文體字云總十二屬也

蓋鼠為十二屬之首又好摩弄其髭相時而進故體象

禮呂氏春秋曰周鼎著鼠令馬履之為其不陽也

關尹子曰

師拱鼠

制禮

鼯

鼯鼠類之最小者或名甘鼠又名甘口鼠食物當時不覺痛世傳云亦食人項肥厚皮處亦不覺古稱美疾不如惡石夫疾何有美者蓋特不覺其痛是以於疾言美恙之字從羊鼯鼠為甘鼠也郭氏謂有螫毒小鼠蓋即



此俗人諱為此所嚙云衰病之證春秋成公五年正月  
鼯鼠食郊牛角改卜牛又食其角定公十五年正月鼯  
鼠食郊牛牛死哀公元年正月鼯鼠食郊牛劉向以為  
鼠小蟲性盜竊鼯又其小者也牛大畜祭天尊物也角  
兵象在上君威也小小鼯鼠食至尊之牛角象季氏乃  
盜竊之人將執國命以傷君威而害周公之祀也改卜  
又食天重語之也而董仲舒直以為養牲不謹是亦盡  
矣夫牛有力之畜何至為鼯所食蓋將祭之犧皆繫于

牢設楅衡以制其角故鼯得而制之鼯之小而牛死馬則食者非一鼠矣凡人猶諱其嚙以為衰病之證況大祀之犧乎鼯穴甚小故淮南曰塘漏若鼯穴一堞之所能塞也本草說鼯鼠云此蟲極細不可卒見則是蟲之極小者耳非鼠之類也

漢書社鼯不灌屋鼠不熏顏氏曰鼯小鼠

鼯

鼯與伏翼皆鼠類而爾雅在釋鳥中以其有肉翼也鼯狀如小狐翼大率如服翼翅尾項脊毛紫赤色背色蒼

艾腹下黃喙頷雜白脚短爪長尾三尺許好暗夜行飛  
且乳亦謂之飛生聲如人呼食火煙能從高赴下不能  
從下上高東吳諸郡皆有之又謂之梧鼠荀子曰梧鼠  
五技而窮謂能飛不能上屋能緣不能窮木能游不能  
渡谷能穴不能掩身能走不能先人雖多技能皆有窮  
極也鼯既飛走且乳故將媿者持其皮毛則易生今鼯  
鼠來近人處夜鳴人輒忌之以為旁里當有死者伏甑  
聽其聲以為能得所呼死者之名云一名夷由一名鷗

又名飛蠋又名鼯鼠詳其性乃食煙火獨為不可曉然

西域復有火鼠在烈火中人取其毛緝之號火浣布此

又何也

張揖曰飛蠋飛鼠也其狀如兔而鼠首以其頗飛山海經曰丹熏之山有獸焉其狀如鼠而兔

首麋耳其音如嗥犬以尾飛名曰耳鼠

鼯

鳥鼠同穴之中渭水出焉其鳥為鰥其鼠為鼯鼯如人家鼠而短尾鰥似鷄而小黃黑色入地三四尺鼠在內鳥在外在隴西首陽縣孔氏尚書傳云共為雄雌張氏

地理記不為牝牡案此鼠在內鳥在外則似不為牝牡  
管子曰楚人攻宋鄭燒燔燿焚鄭地使城之壞者不得  
復築也屋之燒者不得復葺也令其人有喪雌雄居室  
如鳥鼠處穴是不為牝牡之義也然由古迄今不應二  
物長存儻不為牝牡則其類不續顧無得而知之又沙  
州記云寒嶺去大陽川三十里有雀鼠同穴之山既以  
此二蟲為名書傳從簡或只謂之鳥鼠山而王肅解禹  
貢遂稱鳥鼠同穴皆山名後之說者因以為二山可笑

也

鼯

鼯形如鼠大而無尾黑色長鼻甚強常穿耕垣中行故郭氏云鼯鼠行地中者也陳藏器云今之鼯鼠小口尖者陰穿地而行見日光則死深山中林木下有之蓋鼯伯勞所化而又能化而為鴛鴦春之月田鼠化為鴛鴦許慎云田鼠鼯鼯鼠也鴛鴦也據迎貓食田鼠則鼠能害稼者今鼯鼠不敢見日光則似不能害稼謂之田

鼠未知其審說文云鼯地行鼠伯勞所化也一曰偃鼠  
故陶隱居云鼯鼠一名隱鼠一名鼯鼠而山林中有獸  
大如水牛者亦名鼯鼠說者以為即飲河者鼯鼠有二  
物異名同然莊子云鷦鷯巢於深林不過一枝偃鼠飲  
河不過滿腹以鷽鷽是鳥之小者而巢深林偃鼠是鼠  
之小者而飲大川言雖之大處猶止於極量而反故當  
謂此鼯鼠不當謂如牛者也

夏小正八月  
鴛為鼠

音釋

犛

丈與切未成羊也

犛

亡具切

犛

他達切

犛

雞矯反

犛

丁兮切

犛

音

犛

將行

牂

子唐反

留

音溜

大布

粗布也

布

布

音俞

兩壺

兩壺

兩壺

兩壺

歸藏者成湯所作是三易之一也兩壺兩壺者齊母經

兩壺飲之三日然後蘇士有瞿有瞿有觚宵梁為酒尊於兩壺

牽

他達反

嫻

音原

副

孚逼反

婉

音免子

嫻

孚萬切

孩

胡來反

孩

孩

躡

音的

𧈧

布家切

𧈧

子公切

約從

音縱

穀

許卜切

𧈧

雞下

𧈧

雞下

𧈧

公田反

𧈧

胡雞反

𧈧

音逼以一木

一壻

音突

一壻

音突

一壻

音突

一壻

音突

勝水者非以一壻塞江也

𧈧

音吾

𧈧

音壘

𧈧

音突

𧈧

音突

𧈧

音突



丁刮切爾雅注鴝大如鴿似雌雄鼠脚無  
後指歧尾為鳥慈急羣飛出北方沙漠地  
煇與藝煇字同煇善

反

𪗇

反扶粉

鴝

音如母無也鴝  
屬母音牟

𪗇

當作𪗇胡  
切田鼠也

𪗇

音偃

爾雅翼卷二十三

欽定四庫全書

爾雅翼卷二十四

宋羅願撰

釋蟲一

蠶

蠋

蠨

蜀

蝓

尺蠖

蚘蜥

蟬

蚰蜒

蚓

蟣

蠶倉庚鳴則生故詩曰倉庚喈喈采繁祁祁繁白蒿也  
所以生蠶夏小正曰三月妻子始蠶蠶之狀喙吽吽類  
馬色斑斑似虎初拂謂之蚝以毛掃之蠶尚小不欲見  
露氣桑葉著懷中令煖然後切之得人氣則衆惡除也  
古者三宮夫人桑于公桑風戾以食之謂及早涼脆采  
之風戾之使露氣燥乃以飼蠶蠶生惡濕故也比至再  
眠常須三箔虛上下二箔以隔土氣障塵埃也飼必卷  
窻褰幃飼訖還下蓋蠶昆蟲之類昆者明也蠶見明則

食食多則生長其旋生駒皆與母同老食而不飲三十

六日而化

淮南曰二十  
二日而化

嵇康養生論曰火蠶十八日寒

蠶三十餘日仲長子昌言亦曰寒而餓之則引日多溫而飽之則用日少此寒溫飢飽之為脩短驗之於物者也荀卿賦曰三俯三起事乃大已俯謂之眠亦有四眠者既老將績其口含絲春秋文耀鉤曰商弦絕蠶含絲言弦將絕蠶含絲以待用也淮南子曰蠶珥絲而商弦絕謂新絲出故絲脫五音之中商弦最急故先絕亦蠶

午火也商金音也火壯金因應之而絕珥絲或為餌絲或曰上下絲於口故曰珥絲其獨成繭者謂之獨繭自二以上謂之同功繭獨繭絲細而有緒簷何以之為綸引盈車之魚也顏氏家訓曰胡人見錦不信有蟲食木吐絲所成養蠶之室欲明而溫漢法犯腐刑者下未央蠶室取其溫爾古者后妃享先蠶而後躬桑先蠶天驕也漢舊儀曰今蠶神曰苑窳婦人寓氏公主凡二神

原蠶

蠶再蠶也原即再之義或曰蠶不交而生者往往為原  
蠶原蠶一名魏蠶莫知其說按方言魏細也自關而西  
秦晉之間凡細而有容謂之魏又古者魏地狹隘其君  
民有儉嗇趨利之譏以葛屨而至於履霜以女手而至  
於縫裳豈原蠶亦魏之俗耶今人又謂之二蠶音之轉  
爾周禮養馬禁原蠶者說者以為天文辰為馬而蠶書  
蠶為龍精月直大火浴其種是蠶與馬同氣物莫能兩  
大禁原蠶者為傷馬也今農家下種以原蠶矢雜禾種

之以辟蝗否則鬻馬骨汁和蠶矢洩之又蠶殭者塗馬  
齒則馬不食草以桑葉拭去乃還食此則蠶為馬類明  
矣淮南曰蠨蠶一歲再收非不利也然而王法禁之者  
為其殘桑也離先稻熟而農夫耨之不以小利傷大獲  
也至於後世國稅再熟之稻鄉貢八蠶之綿吳人且以  
為美談吳錄曰南陽郡一歲蠶八績林邑記曰九真郡  
蠶年八熟繭小輕薄絲弱綿細荆楚歲時記曰八蠶繭  
出日南至秋猶飼以柘荆楚則早晚二蠶則五月而已



永嘉郡記曰永嘉有八輩蠶虬珍蠶三月績柘蠶四月  
初績蠶蠶四月績愛珍五月績愛蠶六月末績寒珍七  
月末績四出蠶九月初績寒蠶十月績其說云凡蠶再  
養者前輩皆謂之珍少養之而蠶與愛珍二色候虬  
珍三月既績出蛾取卵七八月便割蠶生多養之是為  
蠶蠶若取藏甕中亦可十紙百紙蓋覆器口安冷水使  
冷氣析其出勢僅得三七日然後剗生養之為愛珍然  
則蓋一類耳隋書曰江湖之南一年蠶四五熟唐天寶

中益州獻三熟蠶繭緊厚白淨與常蠶不殊大厯中太原府清源人唐景暉養冬蠶成繭詔給復終身而海物異名記乃云八蠶綿者八蠶共作一大繭非也

蠶

蠶桑繭野蠶不養於人就桑食葉作繭者比家蠶小而行疾其作繭長半寸以來亦杼而長其一面平多則歲宜蠶野人嘗以卜蠶之熟否楚俗於上春以麪裹肉或糖蒸之亦平其一面謂之繭子食之蓋取象此古者稱

野蠶成繭以為瑞若蠟者歲未嘗無但成繭者言其成熟如家繭漢自王莽以來田疇蕪廢杼柚其空至光武之初野穀旅生野蠶成繭人獲其利蓋地力久曠而有餘故穀易生樹力久蘇而有餘故繭易成唐武德中梁州亦言野蠶成繭百姓採而用之亦其類耳又古今注元帝永元四年東萊郡東牟山有野蠶為繭收得萬餘石民人以為絲絮此最有數者野繭又有雒由樗繭棘藥繭蛭蕭繭皆桑繭之類各以所食葉為名廣志云有

柞蠶食柞葉可以作錦今桑繭所包裹甚薄不堪用古人稱以野繭之絲為琴絃者自當各有所在也今人亦呼此為桑蠶郭氏乃云即今蠶非也

蜀

蜀葵中蠶也从虫上目象蜀頭形中象其身蛸蛸葵者菜之甘者也古人有言蓼蟲不知徙乎葵菜今蜀食葵之甘故其體肥大亦食於藿廣志曰藿蠟有五色者槐香蠟五采有角甚臭庾桑子曰奔蜂不能化藿蠟言大

小不同量也蠋雖蠶類而不食桑詩乃稱烝在桑野者  
葵藿之下亦桑野之地也蠶致養於人萬百為族蜀則  
獨行故以比敦然獨宿者箋云蠋蛸蛸然特行久處桑  
野有似勞苦者又蜀亦或作鳥名師曠禽經曰蜀不獨  
宿不知何物也蜀不獨宿故以歎獨宿者於文獨字从  
蜀則蜀當獨處爾韓子曰鰕似蛇而蠶似蠋人見蛇則  
驚駭見蠋則毛起漁者持鰕婦人拾蠶利之所在皆為  
貴育淮南曰蠶之與蠋狀相類而愛憎異蠋一名蛸狀

雖可畏然古人以金作此而綴之車上以為飾故曰倮革金厄

蝤蛸

爾雅蝤蛸蝤蛸糞土中蟲又云蝤蛸蝤蛸謂在木中者二物大抵相似以所處為異大者如足大指而蝤蛸在腐柳中者內外潔白故詩人以比碩人之領其所謂蝤蛸非蝤蛸之蝤也至於蝤蛸食李之半於陵子嘗匍匐而食之三咽然後耳有聞目有見仲子之廉不忍受人一食而

甘舖蟻螬之餘腐以此而發皇視聽則其節之苦甚矣  
淮南萬畢術曰黍成蟻螬言以秋冬穫黍置溝中即生  
蟻螬也說者以為齊人曹氏之子所化論衡曰蟻螬化  
為復育復育化為蟬言萬物變禪如此楊雄方言乃云  
或謂之喧蝻或謂之蝟或謂之蛭或謂之天螻此其為  
物多矣非止一蟻螬也

說文  
蚤蟲

### 尺蠖

尺蠖屈伸蟲也狀如蠶而絕小行則促其腰使首尾相

就乃能進步屈中有伸故曰屈申鄭康成謂之屈蟲郭景純謂之步屈皆此義又如人以手度物移後指就前指之狀古所謂布指知尺者故謂之尺蠖漢書律厯志曰寸者忖也尺者隻也則隻亦自有尺之義矣易曰尺蠖之屈以求信也龍蛇之蟄以存身也聖人於物稱名小而取義大不以龍蠖巨細而有所遺晏子春秋曰尺蠖食黃則身黃食蒼則身蒼然郭璞注方言以為尺蠖步屈色青而細小為螺贏所負為子者按螺贏所負乃



螟蛉毛詩義疏云螟蛉似步屈此說是矣正以為步屈則非也蠖亦作繭而小甘泉賦曰天子穆然珍臺間館璇題玉英蠅蠖蠖之中解者以蠅蠅蠖蠖為刻鏤之形予按釋魚有蠅蠅水中小赤蟲莊子所謂還軒者藏沙中穴如箴孔而蠖亦吐絲作繭有所布濩以此况帝居者蓋白藏於密精義入神之至也張協七命曰焦螟飛而生風尺蠖動而成響此以微蟲表帝居之淵默亦此義耳尺又作斥考工記弓人之職合潏若手背文角

環灑牛筋黃灑麋筋斤蠖灑此說弓表裏灑漆相合之處若人手背文理相應隈裏灑文如環弓背用牛筋者文如麻子用麋筋者文如斤蠖云段成式稱尺蠖之繭為蝶今蝶蓋青蟲所化非行步屈伸者蠖或為蛾未可知也

蛄嘶

蛄嘶蠹蟲也

裁千  
志切

身扁綠色似蠹而短背有毒毛能螫

人今俗呼楊癩虫說文楚人謂藥毒曰痛癩一曰傷也

音如辛辣之辣楚辭以喻讒人九思所謂戴綠兮我裳是也今牡丹上尤多常在葉背不知者輒遇其毒欲老則吐汁自裹久漸堅凝如巴菽大紫白間理可愛就其中作蛹謂之蛄嘶房一名躁舍一名雀甕俗謂之雀兒飯甕言雀所喜食也又謂之雀癰既久出而為蛾復孚子於葉間或者乃謂雀甕為蛄嘶之卵非也陶弘景云多在石榴木上今石榴上復有一種聚短梗半寸以來周圍植之以自裹行則負以自隨亦化蛹其中俗呼避

債蟲

蟬

蟬白魚衣書中蟲也始則黃色既老則身有粉視之如銀故名白魚荆楚之俗七月曝經書及衣裳以為卷軸久則有白魚穆天子傳蠹書于羽陵周官翦氏掌除蠹物鄭氏謂器物生蟲魚韓文公詩曰豈殊蠹書蟲生死文字間謂是也毛詩草木疏曰天子賜諸侯茝蘭可著藏衣書中古者祕書之藏置芸以辟之芸亦香草也後

世書勅用黃紙味既苦而蟲不生王充論衡曰變復之家謂蟲食穀者吏貪狼所致也書卷不舒衣襪不懸皆生蟲也此復關何吏耶一名蛎魚又名壁魚又名衣魚齊明帝疾勅臺省府署求白魚為藥外始知之蟬有談尋淫三音淫或訛為經籍之經故又有經音

蚰蜒

蟪銜入耳郭氏曰蚰蜒自關而東謂之蟪蟪方家說蚰蜒大者如釵股色正黃其足無數如蜈蚣狀此蟲好脂

油香入人耳及諸竅中故因以為名使人戒焉古稱昌  
羊去蚤蝨而來蛉窮蛉窮蚰蜒入耳之蟲昌羊今昌蒲  
是其氣芬芳所召爾梓人謂此為卻行之屬今蝸牛之  
無殼者俗呼蚰蚰又呼蝸牛為蚰蚰羸蝸牛驚則退縮  
似應卻行之義然蝸牛要不能入耳當以多足者為是  
楚辭以此物比讒賊王逸九思云昇車兮命僕將馳兮  
四荒下堂兮見蠱出門兮觸蓬蠶有兮蚰蜒邑多兮螳  
螂睹斯兮嫉賊心為兮切傷蓋蠱之螫人也在下蓬之

逐人也自上蚰蜒則自側螳螂則當前是則上下左右  
與夫在前者皆嫉賊矣欲馳四荒其可得耶夫楚辭之  
人既不容於內而出出又不容故君子怨焉

蚓

蚓無爪牙之利筋骨之強上食槁壤下飲黃泉勸學者  
取之以為其用心之一孟子又以比陳仲子以為徒有  
飲水食土之操而已是雖微物其啓閉有時故月令孟  
夏螻蟈鳴後五日而蚯蚓出冬至之日蚯蚓結皆以紀候

結猶屈也其始穴則首下向至是陽動則穴而上首故其身結屈也周書曰蚯蚓不出嬖奪后蚯蚓不結君政不行一名土蟪又名曲蟪夏夜好鳴於草底故江東謂為歌女或曰鳴砌周南詩曰嚶嚶草蟲趯趯阜螽說草蟲固多端按張衡云土蟪鳴則阜螽跳考是以蚓為草蟲也贊寧物類相感志亦云阜螽如蝗江東人呼名蚱蜢與蚯蚓異類而為雌雄蓋合詩人之說故郭璞贊曰蚯蚓土精無心之蟲交不以分淫於阜螽觸而感物乃



無常雄虬亦龍屬故星禽龍四物而此居其一焉漢書  
黃帝得土德黃龍地螾見帝王世紀曰黃帝時螾大如  
虹或曰地螾大五六圍長十餘丈也抱朴子軍術曰虵  
虬見軍中尤多者軍罷又宜備反叛

音釋

蠶

咄咄

仁廉切

蚝

七吏反

風戾

音麗祭義注風戾之使露氣燥方氏曰風至則乾

珥餌耳

音同

窳

音愈

原螭

音原

鬻

音養

洩

音搜

彊

音疆

離

高誘曰水稗齊民要術作離

虵

音尹

螻

音象

揜

音要狹長

雒

由

樗

音雒

蝨爾雅注食樗  
業者名蝨由

棘藥

食棘藥業

虻蕭

上音杭食蕭業  
蕭者名爾雅疏

蜀

蛸蛸

詩朱傳鳥  
玄切動貌

蠋

音蜀

奔蜂

小蜂也一  
名土蜂

藿蠋

豆藿中  
大青虫

敦

都迴反獨處  
不移之貌

鯀

音善

蛭

於革反

倅

徒彫反  
轡也

金厄

爾雅疏  
厄作蛭

一名鳥蠋形侶  
蚕而大如指

蝥

上音內  
下音齊

蝥

音費

蝟

爾雅音曷郭  
云即蛭蝟疏

云蝥蝥也蝥蝥也蝥蝥也蝥蝥也  
蠹也蝟也一蟲而六名也蝟音屈

發皇視聽

枚乘七發  
分決狐疑

發皇耳目  
注發明也

蝟

音斛

蛭

之反

尺蠖

上音雅作  
下於郭切

蚻

音約

蝟

古火反

羸

郎果反說文蝟羸  
蒲盧細要土蝟也

螟

音冥

蛉

音零

蝻

音淵

獲

音護布  
獲散也

蝻

狂兇反

間

音間

蠟

香克切  
爾雅注

還

上音旋

司馬云

顧視也下音寒

井中赤蟲也又  
名結蟻音吉厥  
合潯音捉又音熙考工記疏合潯者謂

背上文理相  
應皆補內反  
角環潯環如字又戶串反疏  
謂限裏潯文如環然  
牛筋蕒潯此

弓背用牛筋之  
漆如麻子文  
蕒扶云  
麋筋斤蠖潯若用麋其潯  
文如斤蠖文  
蛄

蜥上而占反  
下音斯  
蠹千志切  
痢力達反  
蛹烏種切  
蟬音淫  
卷捲音

襞音辟  
蚬兵永反  
蚰上音由  
蜒下音延  
蟥音引  
衡以淺反  
蜈吳音

蚣音公  
蠱丑介反  
蚓音引與  
蟪是演反  
蚱蟻上莊額切  
下

也  
蛇蟻草上蟲  
也  
蛇陟格反

爾雅翼卷二十四